

বিশ্বের ১০০ চিন্তাবিদের তালিকায় শেখ হাসিনা

প্রকাশ : ২ ডিসেম্বর, ২০১৫ ১৬:২৭
আপডেট : ২ ডিসেম্বর, ২০১৫ ১৮:৩৬

বিশ্বের নেতৃস্থানীয় ১০০ চিন্তাবিদের তালিকায় রয়েছেন বাংলাদেশের প্রধানমন্ত্রী শেখ হাসিনা। বৈশ্বিক রাজনীতি ও অর্থনীতি বিষয়ক ওয়াশিংটন ভিত্তিক ম্যাগাজিন ‘ফরেন পলিসি’ এ তালিকা প্রকাশ করেছে।

বুধবার পররাষ্ট্র মন্ত্রণালয়ের পাঠানো এক বিবৃতিতে এ তথ্য জানানো হয়।

প্রতিবছর বিশ্বের নেতৃস্থানীয় ১০০ চিন্তাবিদের তালিকা প্রকাশ করে বেশ মর্যাদাপূর্ণ ম্যাগাজিন ‘ফরেন পলিসি’।

জলবায়ু পরিবর্তনের ইস্যু মোকাবেলায় তার অসামান্য অবদানের জন্য ‘নেতৃস্থানীয় আন্তর্জাতিক চিন্তাবিদ’ হিসেবে শেখ হাসিনাকে এ উপাধি দেয় ‘ফরেন পলিসি’।